

Saksprotokoll i Kultur- og ressursutvalet - 16.09.2014

Gunnar Bakke (Frp) sette fram slikt endringsforslag til pkt. 1:

«Stryke siste setning. Knytte til musikk og kulturarv i første setning.»

Astrid Selsvold (A) sette fram slikt forslag til nytt pkt. 6:

«Hordaland fylke vil i etterkant av programmet 2015 – 16 evaluere arbeidet. Resultatet vert lagt fram for Kultur- og ressursutvalet.»

Røysting

Bakke sitt endringsforslag i pkt. 1 vart vedteke med 9 røyster (Frp, H, MDG og V) mot fylkesrådmannen sitt forslag som fekk 4 røyster (A og Krf) og fall.

Fylkesrådmannen sitt forslag pkt. 2 til 5 vart samrøystes vedteke.

Selsvold sitt forslag til nytt pkt. 6 vart samrøystes vedteke.

Vedtak

1. Kultur- og ressursutvalet sluttar seg til at det vert oppnemnd fagleg råd og følgjande faggrupper for arbeidet med program for kunst- og kulturformidling i skulen: faggruppe scenekunst, faggruppe visuell kunst, faggruppe film, faggruppe musikk, faggruppe kulturarv og faggruppe litteratur.
2. Faggruppene har følgjande mandat: gjere ei fagleg vurdering av kvart forslag som har kome innan fristen, og leggje ei innstilling fram for det faglege rådet.
Det faglege rådet har følgjande mandat: definere særskilde satsingar og sjå på programmet frå eit overordna og totalt perspektiv. Hordaland fylkeskommune legg endeleg program med bakgrunn i innstilling frå fagleg råd, og med omsyn til variasjon i uttrykk, formidlingsstad, formidlingsform etc. Endeleg program vert vedtatt av Kultur- og ressursutvalet.
3. I faggruppene skal det sitje eksterne og interne fagpersonar, gruppene skal ha minimum tre og maksimum fem representantar. Det faglege rådet skal bestå av ein representant frå kvar faggruppe, ein representant frå musikk og ein frå kulturarv, og lærar- og elevrepresentantar frå grunn- og vidaregåande skule. Representantane i gruppene og fagrådet vert oppnemnd for tre år.
4. Faggruppene og det faglege rådet verkar frå og med handsaming av forslag til programmet for skuleåret 2015-2016.
5. Kostnadar vert dekt over budsjettpost 400.710.
6. Hordaland fylke vil i etterkant av programmet 2015 – 16 evaluere arbeidet. Resultatet vert lagt fram for Kultur- og ressursutvalet.